

乾隆大藏經



國立中央圖書館出版品預行編目資料

乾隆大藏經／〔傳正有限公司編輯部編〕——初版

1997〔民86〕面；19公分x26公分

ISBN 957-97227-1-4（一套：精裝）

藏經——168冊

8608110003

內政部製版權登記核准文號

台(86)內著字第(8674677)
(8676761)
(8678003)

乾隆大藏經

（豪華精裝本）
全套一六八冊

編著處：	本公司編輯部
出版處：	寶正佛經流通處
地址：	彰化市中山路二段九六四號一三樓（B棟）
電話：	（〇〇二）八九九一—九一三九
傳真：	（〇〇四）七二六—七四〇〇
郵政劃撥：	〇五五九九五〇—七 郭秀蘭
承印處：	福峰彩色印刷有限公司
電話：	（〇二）二九八二—〇九五六

一九九七年十二月出版

御製

佛光恩照 三千大千 隨緣徧滿
恒沙法界 普度衆生 悉證菩提
身心安泰 年時豐稔 風雨調順
日月升恒 乾坤清寧 百昌蕃熾
上下樂利 中外協和 庶物咸亨
萬善圓成 情與無情 同登正覺
大清雍正十三年四月初八日

小乘論(十)

第 98 冊

一二·一二六一 舍利弗阿毘曇論二二卷(一至二二)

(圖六一圖十、寫一—寫十) 姚秦天竺三藏曇摩崛多共曇摩耶舍譯

卷一一(圖六) 卷一二(圖七) 二二

卷一三上(圖八) 卷一三下(圖九) 五六

卷一四(圖十) 卷一五(寫一) 一〇〇

卷一六(寫二) 卷一七上(寫三) 一四三

卷一七下(寫四) 卷一八(寫五) 一七四

卷一九(寫六) 卷二〇上(寫七) 二二〇

卷二〇下(寫八) 卷二一(寫九) 二六一

卷二二(寫十) 二八九

一二·一二六二 阿毗達磨俱舍釋論二二卷(一至二五) 婆藪盤豆造

(禽一—禽十、獸一—獸五) 陳三藏真諦譯 三二三

序(禽一) 沙門慧愷述 卷一(禽一) 三一七

卷二(禽二) 卷三(禽三) 三七一

卷四(禽四) 卷五(禽五) 四一五

卷六(禽六) 卷七(禽七) 四五八

卷八(禽八) 卷九(禽九) 五〇四

卷一〇(禽十) 卷一一(獸一) 五四七

卷一二(獸二) 卷一三(獸三) 五九一

卷一四(獸四) 卷一五(獸五) 六四三

3056-2



清刻龍藏佛說法變相圖

舍利弗阿毗曇論卷第十一

圖六

姚秦天竺三藏曇摩崛多共曇摩耶舍譯

非問分念處品第六

行一道衆生清淨遠離憂悲滅盡苦惱得證
涅槃斷除五蓋修四念處何謂一道獨處閑

圖六

靜樂於精勤不樂諸業不樂非業不行無義
語不樂無義語不睡眠不樂睡眠不行集語
不樂集語不行依止不樂依止不行放逸不
樂放逸不行親近不樂親近如是道生正生
起正起觸證是名一道復次獨遠離捨惡遠
離不雜垢穢離諸欲惡如是道生正生起正
起觸證是名一道復次不共貪欲瞋恚愚癡
煩惱不共障礙覆蓋繫縛惡行如是道生正
生起正起觸證是名一道復次獨不放逸精
進念知修遠離行如是道生正生起正起觸

證是名一道復次獨處閑靜親近隨坐或曠野空處山谷崖窟露處草座樂在林藪塚間水側遠離聚落如是道生正生起正起觸證是名一道復次心獨住正住正止一入定是名一道復次一向未輟調伏清淨是名一道復次貪欲瞋恚愚癡煩惱障礙覆蓋繫縛惡行盡是名一道復次離欲寂靜修正覺滅惡得涅槃是名一道何謂道一支道乃至十一支道是名道是道是橋是因是門是根是趣是勝是緒是辨生正生起正起出正出善法和合成就是名道何謂衆生清淨衆生謂五道生也爲人天衆生故說親近四念處修行多學得戒清淨心清淨見清淨授記度疑清淨知見道非道清淨趣道知見清淨得知見清淨如是令不清淨衆生清淨令垢穢衆生

無垢穢是謂衆生清淨

何謂遠離憂悲云何憂衆生觸若干苦法若憂重憂內焦熱內心熱是名憂云何悲謂衆生憂纏逼迫憂箭具足憂惱心亂窮歎啼哭追憶並語或自推撲口出亂語是名悲四念處親近修學圖六遠離憂悲是名遠離憂悲

何謂滅盡苦惱苦謂若身覺苦眼觸苦受乃至身觸苦受是名苦云何惱若心覺苦意觸苦受是名惱四念處親近修學苦惱滅是謂滅苦惱何謂得涅槃涅槃謂四沙門果四念處親近修學得四沙門果是謂得涅槃何謂斷五蓋若滅五蓋是謂斷五蓋何謂修四念處謂內身觀身行勤精進應正智念除世間貪憂外身觀身行勤精進應正智念除世間貪憂內外身觀身行勤精進應正智念除世

0107/098

間貪憂受心法亦如是云何身觀身行身謂
四大色身父母因緣飲食長養衣服調適塗
油潤身無常破壞變異之法是名身復次名
身色身是名身復次地身水火風身是名身
復次象衆馬衆車衆步衆是名身復次六識

身六觸身六受身六想身六思身六愛身六
覺身六觀身是名身云何內身觀身行若比
丘一切內四大色身所攝法若內一處四大
色身所攝法思惟無常知無常解無常受無
常如是不放逸觀得定心住正住是名內身
觀身行復次比丘一切內身四大色身所攝
法若內一處四大色身所攝法思惟苦患癱
箭貪味病緣依壞法不定不滿可壞苦空無
我思惟緣知緣解緣受緣即無明緣行乃至
名色緣六入乃至是名內身觀身行復次比

丘一切內身四大色身所攝法若內一處四
大色身所攝法思惟滅知滅解滅受滅即無
明滅則行滅乃至名色滅則六入滅乃至是
名內身觀身行復次比丘行樂知行樂乃至
卧樂知卧樂身住樂如實知乃至是名內身
觀身行復次比丘去來屈伸迴轉正知行乃
至眠覺語默正知行乃至是名內身觀身行
復次比丘出息長知長入息長知長出息短
知短入息短知短如旋師挽繩繩長知長繩
短知短乃至是名內身觀身行復次比丘從
頂至足從足至頂見諸不淨觀身中有髮毛
爪齒薄皮厚皮血肉筋脉脾腎心肺大小穢
藏便利涕唾膿血脂肪腦膜淚汗髓骨如淨
眼人於二門倉觀見諸穀胡麻米豆小豆𣎵
豆大麥小麥如是比丘觀身中從頂至足從

足至頂具諸不淨乃至是名內身觀身行復次比丘觀身諸大此身中唯有地水火風大如巧屠牛師屠牛師弟子屠牛爲四分若坐立行住但見四分如是比丘觀此諸大此身唯有地水火風大然此諸大但依水火性各相違飲食長養羸劣無力不堅無強念念不住乃至是名內身觀身行復次比丘觀身食住食集緣食得住無食無住如火緣薪得然無薪則滅如是比丘觀身食住食集緣食得住無食不住如佛說

四

四

觀身所集苦 一切皆緣食 若能除滅食則無是諸苦 如是知過患 食是成就苦比丘滅食已 必定得涅槃

是名內身觀身行復次比丘觀身盡空俱空以念徧知解行乃至是名內身觀身行復次

比丘觀身是癰瘡此身有九瘡津漏問若所出津漏皆是不淨乃至如摩訶迦葉說四大身是衰耗相違津漏乃至壽命短促乃至是名內身觀身行及餘諸行一切內四大色身所攝法一處內四大色身所攝法思惟得定心住正住是名內身觀身行云何內身身若受謂若內緣生自性已分是名內云何觀謂如實人微觀正覺緣觀解是名觀云何行如是微觀成就不違法護持行微行是名行云何勤精進謂如實人若順法多行精進是名勤精進復次若身心發起顯出越度不退是名勤精進云何正智謂如實人知見解射方便是名正智云何念謂如實人憶念微念緣念住不忘相續念不失不奪是名念云何世間有二種世間衆生世間行世間五道受

圖六

五

生是名衆生世間五受陰是名行世間云何
貪貪不善根是名貪云何憂意觸苦受是名
憂云何除覆背解斷吐出是名除

云何外身觀身行若比丘外一切四大色身
攝法若外一處四大色身攝法思惟無常知
無常解無常受無常如是不放逸觀行定心
住正住是名外身觀身行復次比丘一切外
四大色身所攝法若一處外四大色身所攝
法若觀苦痛癱箭著味病依緣壞法不定不
滿可壞苦空無我思惟緣知緣解緣受緣即
無明緣行乃至名色緣六入乃至是名外身
觀身行復次比丘外一切四大色身所攝法
外一處四大色身所攝法思惟滅知滅解滅
受滅無明滅則行滅乃至名色滅則六入滅
乃至是名外身觀身行及餘諸行外一切四

大色身所攝法若外一處色身所攝法思惟
得定心住正住是名外身觀身行云何外身
謂身非受非內非緣生非自性非已分是名
外餘義如上說

云何內外身觀身行如比丘一切內外四大
色身攝法若一處內外四大色身攝法觀無
常知無常解無常受無常如是不放逸觀得
定心住正住是名內外身觀身行復次比丘
一切內外四大色身攝法若一處內外四大
色身攝法若觀苦痛癱箭著味病依緣壞法
不定不滿可壞苦空無我思惟緣知緣解緣
受緣無明緣行乃至觸緣受乃至是名內外
身觀身行復次比丘一切內外四大色身攝
法若一處內外四大色身攝法思惟滅知滅
解滅受滅無明滅則行滅乃至名色滅則六

圖六

六

入滅乃至是名内外身觀身行復次比丘若見死屍棄在冢間若一日至三日乃至是名内外身觀身行復次比丘若見死屍棄在冢間若一日至三日臃脹青瘀乃至是名内外身觀身行復次比丘若見死屍棄在冢間若一日至三日爲烏鳥虎狼野干諸獸之所食敗乃至是名内外身觀身行復次比丘若見死屍骨節相連青赤爛壞膿血不淨臭穢可惡乃至是名内外身觀身行復次比丘若見死屍骨節相連餘血皮所覆筋脉未斷乃至是名内外身觀身行復次比丘若見死屍骨節相連血肉已離筋脉未斷乃至是名内外身觀身行復次比丘若見死屍骨節已壞未離本處乃至是名内外身觀身行復次比丘若見死屍骨節斷壞遠離本處脚脛膺脰脰

脊脇肋手足肩臂項髑髌諸骨各自異處乃至是名内外身觀身行復次比丘若見死屍骨節久故色白如貝色青如鵠朽敗碎壞乃至是名内外身觀身行復次比丘若見死屍在火聚上燒髮毛皮膚血肉筋脉骨髓一切髮毛乃至骨髓漸漸消盡觀此法不至東方南西北方四維上下處住此法本無而生已生還滅乃至是名内外身觀身行及餘一切諸行四大色身攝法若一處内外四大色身攝法思惟得定心住正住是名内外身觀身行云何内外身若受若非受是名内外身餘義如上說比丘觀身法緣起行觀身法緣滅行比丘如是觀身法緣起緣滅行有身起內念以智以明識不依身無所依行不受於世如是比丘內身觀身行動精進正智念除世

貪憂外身内外身亦如是

云何受觀受行受謂六受眼觸受乃至意觸受是名受云何内受觀受行如比丘一切内受若一處内受思惟無常知無常解無常受無常如是不放逸觀得定心住正住是名内受觀受行復次比丘一切内受若一處内受思惟苦患癱箭味病依緣壞法不定不滿可壞苦空無我思惟緣知緣解緣受緣即無明緣行乃至觸緣受乃至是名内受觀受行復次比丘若一切内受若一處内受思惟滅知滅觸滅受滅即無明滅則行滅乃至觸滅則受滅乃至是名内受觀受行及餘諸行一切内受一處内受思惟得定心住正住是名内受觀受行何謂内受謂内是内是緣是自性是已分是名内餘義如上說

云何比丘外受觀受行如比丘一切外受若一處外受思惟無常知無常解無常受無常如是不放逸觀得定心住正住是名外受觀受行復次比丘一切外受若一處外受思惟苦患癱箭味病依緣壞法不定不滿可壞苦空無我思惟緣知緣解緣受緣無明緣行乃至觸緣受乃至是名外受觀受行復次比丘一切外受若一處外受思惟滅知滅解滅受滅即無明滅則行滅乃至觸滅則受滅是名外受觀受行及餘諸行一切外受若一處外受思惟得定心住正住是名外受觀受行云何内外受觀受行如比丘一切内外受若一處受思惟無常苦無常觸無常受無常如

是不放逸觀得定心住正住是名內外受觀
受行復次比丘若一切內外受若一處內外
受思惟苦患癰箭著味病依緣壞法不定不
滿可壞苦空無我思惟緣知緣解緣受緣即
無明緣行乃至觸緣受乃至是名內外受觀

受行復次比丘一切內外受若一處內外受
思惟滅知滅解滅受滅即無明滅乃至觸滅
則受滅乃至是名內外受觀受行復次比丘
若受樂受知我樂受苦受不苦不樂受亦如
是若受有染樂受知我有染樂受若受無染
樂受知我無染樂受苦受不苦不樂受亦如
是是名內外受觀受行及餘諸行一切內外
受若一處內外受思惟得定心住正住是名
內外受觀受行云何內外受受若非受是名
內外餘義如上說如是比丘觀受法緣起行

觀受法緣滅行如是比丘觀受法起滅行有
受念內以智以明識不依受無所依行不受
一切世如是比丘內受觀受行勤精進正智
念除世貪憂外受內外受亦如是

云何心觀心行云何心若心意識六識身七
識界是名心云何內心觀心行如比丘一切
內心若一處內心思惟無常知無常解無常
受無常如是不放逸觀得定心住正住是名
內心觀心行復次一切內心若一處內心思
惟苦患癰箭著味病依緣壞法不定不滿可壞
苦空無我思惟緣知緣解緣受緣即無明緣
行行緣識乃至是名內心觀心行復次比丘
一切內心若一處內心思惟滅知滅解滅受
滅即無明滅則行滅行滅則識滅是名比丘
內心觀心行及餘法行一切內心若一處內

心思惟得定心住正住如是比丘內心觀心行云何內心若心受謂內是內是緣是自性是已分是名內餘義如上說

云何比丘外心觀心行如比丘一切外心一處外心思惟無常知無常解無常受無常如是不放逸觀得定心住正住是名外心觀心行復次比丘一切外心一處外心思惟苦患癱箭味病依緣壞法不定不滿可壞苦空無我思惟緣知緣解緣受緣即無明緣行行緣識乃至是名外心觀心行復次比丘一切外心一處外心思惟滅知滅解滅受滅即無明滅行滅行滅則識滅乃至是名外心觀心行及餘心行一切外心一處外心思惟得定心住正住是名外心觀心行云何外心心非受謂外非內非緣非自性非已分是名外餘義

如上說

云何比丘內外心觀心行如比丘一切內外心一處內外心思惟無常知無常解無常受無常如是不放逸觀得定心住正住是名內外心觀心行復次比丘若一切內外心一處內外心觀苦患癱箭味病依緣壞法不定不滿可壞苦空無我思惟緣知緣解緣受緣即無明緣行行緣識乃至是名內外心觀心行復次比丘一切內外心一處內外心思惟滅知滅解滅受滅無明滅則行滅行滅則識滅乃至是名內外心觀心行復次比丘有欲心如實知有欲心無欲心如實知無欲心乃至有勝心如實知有勝心無勝心如實知無勝心如是不放逸觀得定心住正住是名內外心觀心行及餘諸行一切內外心一處內外

心思惟得定心住正住是名內外心觀心行
云何內外心心若受非受餘義如上說如是
比丘觀心法緣起行如是緣滅心行比丘緣
起滅心行有心起內念以智以明識不依心
無所依行不受於世如是比丘內心觀心行
勤精進正智正念除世貪憂外心內外心亦
如是云何法觀法行法謂除四大色身攝法
受心及餘若色非色可見不可見有對無對
聖非聖是謂法云何比丘內法觀法行若比
丘除四大色身攝法受心若餘一切內法若
一處內法思惟無常知無常解無常受無常
如是不放逸觀得定心住正住是名內法觀
法行復次比丘除四大色身攝法受心若餘
一切內法若一處內法思惟苦憂患癡箭味
病依緣壞法不定不滿可壞苦空無我思惟

緣知緣解緣受緣即無明緣行乃至生緣老
死憂悲苦惱眾苦聚集乃至是名內法觀法
行復次比丘除四大色身攝法受心及餘一
切內法若一處內法思惟滅知滅解滅受滅
即無明滅則行滅乃至生滅老死憂悲苦惱
眾苦聚滅乃至是名內法觀法行及餘諸行
除四大色身所攝法受心若一切內法若一
處內法思惟得定心住正住是名內法觀法
行云何內法法受謂內是內是緣是自性是
已分是名內餘義如上說

云何比丘外法觀法行如比丘除四大色身
攝法受心若外一切法若外一處法如事思
惟無常知無常解無常受無常如是不放逸
觀得定心住正住是名外法觀法行復次比
丘除四大色身攝法受心餘外一切法若一

處外法如事思惟苦惱癰箭味患依緣壞法
不定不滿可壞苦空無我思惟緣知緣解緣
受緣即無明緣行乃至生緣老死憂悲苦惱
衆苦聚集乃至是名外法觀法行復次比丘
除四大色身攝法受心及餘外一切法若一
處外法如事思惟滅知滅解滅受滅即無明
滅則行滅乃至生滅則老死憂悲苦惱衆苦
聚集滅乃至是名外法觀法行及餘諸行除
四大色身攝法受心餘一切外法若一處外
法如事思惟得定心住正住是名外法觀法
行云何外法法非受謂外非內非緣非自性
非已分是名外餘義如上說
云何比丘內外法觀法行如比丘除四大色
身攝法受心餘一切內外法若一處內外法
如事思惟無常知無常解無常受無常如是

不放逸觀得定心住正住是名內外法觀法
行復次比丘除四大色身攝法受心餘一切
內外法若一處內外法如事思惟苦惱癰箭
味患依緣壞緣法不定不滿可壞苦空無我
思惟緣知緣解緣受緣即無明緣行乃至生
緣老死憂悲苦惱衆苦聚集乃至是名內外
法觀法行復次比丘除四大色身攝法受心
及餘一切內外法若一處內外法如事思惟
滅知滅解滅受滅即無明滅則行滅乃至生
滅則老死憂悲苦惱衆苦聚集滅乃至是名
內外法觀法行復次比丘我內有欲如實知
我內有欲我內無欲如實知我內無欲如欲
未生如實知欲未生如欲未生如實知欲當
生如欲現生如實知欲當斷如欲斷已如實
知不復生瞋恚愚癡睡眠掉悔疑亦如是乃

至是名内外法觀法行復次比丘我内有眼識色欲恚如實知我内有眼識色欲恚我内無眼識色欲恚如實知我内無眼識色欲恚如眼識色未生欲恚如實知未生如眼識色未生欲恚如實知當生如眼識色現在生欲恚如實知當斷如眼識色已斷欲恚如實知不復生耳鼻舌身意亦如是乃至是名内外法觀法行

復次比丘我内有念覺如實知我内有念覺我内無念覺如實知我内無念覺如念覺未生如實知未生如念覺未生如實知當生如念覺生已如實知有具足修餘六覺亦如是乃至是名内外法觀法行復次比丘如實知苦苦集苦滅苦滅道如實知漏漏集漏滅漏滅道乃至是名内外法觀法行復次比丘

離一切行入甘露界是寂靜此勝滅一切行愛滅涅槃乃至是名内外法觀法行及餘諸行除四大色身攝法受心及餘一切内外法若一處内外法如事思惟定心住正住是名内外法觀法行云何内外法法若受若不受是名内外法餘義如上說如是比丘觀法緣起法行觀法緣滅法行如是比丘觀起滅法行有法起内念以智以明識不依法無所依行不受於世如是比丘内法觀法行勤精進正智正念除世貪憂外法内外法亦如是如實修學四念處當有是怖於一切世常無我行心不高不下亦無住處若有我想衆生想命想人想無有是處常應第一空行若得此後心不作無益不受不著色聲香味觸於三世無礙於欲界解脫色界無色界解脫滅不